

B. PETRI GONZALEZ,

SANCTI TELMI VULGO APPELLATI,
CONFESSORIS ORDINIS PRÆDICATORUM,ECCLESIAE ET DIOECESIS TUDENSIS,
Necnon & Nautarum acclamatissimi Patroni. Duplex pro
omnibus Hispaniarum Dioecesibus.Et in Diœcesi Tudensi Feria ij. post Dominicam in albis.
Duplex 1. classis cum Octava.

DIE XIV. APRILIS.

In festo beati Petri Gonzalez, sancti
Telmi vulgò appellati, Confessoris Ordinis Prædicato-
rum. Duplex.Omnia de Communi Confessoris non Pontificis, præter sequentia.
Oratio.**D**Eus, qui in maris periculis constitutis beati Petri opem singularem ostendit, ejus nobis intercessione concede, ut in hujus vitæ procëllis tuæ gratiæ lumen semper affulgeat, quo æternæ salutis portum invenire valeamus. Per Dominum.

Lectiões j. Nocturni de libro Ecclesiastici. B. eatus vir. de Communi.

In secundo Nocturno.

Lectio iv.

Petrus González, sanctus Telmus vulgò appellatus, Fromestæ in Hispania apud Palentiam piis, ac nobilibus parentibus ortus est. Adolëscens sub Episcopi Palentini avunculi sui cura ingenuis artibus, & Philosophiæ operam dedit ingenio ad præ-

clara quæque aptissimo: sed ejusdem ecclésiæ Canonicatu, & mox etiam Decanatus dignitate auctus, honôrum, ac divitiarum illecebris juveniliter abreptus, sæculi vanitati paulò liberius indulfit. Accidit verò, ut cùm ipso Dominicæ Nativitatis die, equo splendide phalerato, æqualium comitatu totam urbem lasciviens circumcursaret, equo in profundum lutum repente prolapsus, dejectus ipse, multoque cœno inquinatus, spectantium risu, fannisque exceptus sit: quo insigni pudore suffusus, & mundi, cui placere studierat, contumeliam reputans, se vicissim, à quo spreus esset, spreiturum constituit. Igitur paulò post, magna omnium admiratione, in Prædicatorum Ordinem sese recepit, ubi vètetem hominem cum actibus suis exuens, novumque induens, eximitæ posuit tyrocinia sanctitatis.

Honestum fecit illum Dominus, & custodivit eum ab inimicis, & à seductoribus tutavit illum, Et dedit illi claritatem æternam, alle-

alleluia. *✠* Justum deduxit Dominus per vias rectas, & ostendit illi regnum Dei. Et dedit illi claritatem.

Lectio v.

AD ceteras autem virtutes, quibus brevi magnopere excelluit, charitatem attulit proximorum salutis cupidissimam: quare absoluto sacrarum litterarum studio, sancto Patre Dominico ad imitandum sibi proposito predicationi se totum dedit, nihil a Deo impensius flagitans, quam ut revocandis in viam salutis animabus perditis idoneus efficeretur. Severissimam Apostolico more in eo munere paupertatem exercuit. Quocumque exciperetur hospitio non inde prius exibat, quam incolas omnes sacra exomologesi expiasset. Sermo illi vivus & efficax, quo audientium corda adeo pervadebat, ut per eas, quas Apostolico zelo peragravit Hispaniae Provincias, innumeros fere peccatores ad poenitentiam adduxerit. Ferdinandum Regem, cognomento Sanctum, in varias adversus Mauros expeditiones euntem secutus, consiliis, exemplo, & orationibus mirifice juvit. Venustas feminas ejus amore captas, aliasque procaciores ad eum immissas, ut pudicitiae ejus insidias fruerent, non solum strenue repulit, sed etiam ad meliorem vitae frugem convertit.

✠ Amavit eum Dominus, & ornavit eum, stolam gloriae induit eum: *✠* Et ad portas paradisi coronavit eum, alleluia. *✠* Induit eum Dominus loricae fidei, & ornavit eum. Et ad portas.

Lectio vi.

Minio flumini prope Ribadaviam longe rapido, atque effuso, publica transeuntium utilitate pontem amplissimum fere miraculo imposuit, accita ad operis molitionem ingenti structorum manu; quibus cum cibis aliquando deficeret, evocatos quotquot iis reficiendis sufficerent pisces, manūque prehensos iisdem prae-buit. Sed & socios labore itineris atque inedia fere deficientes, pane, & vino caelitus suppeditatis recreavit. Adhuc vivens, in fatisissima maris procella a Nautis invocatus, eisdem sese conspicuum exhibuisse fertur, tempestatemque sedasse. Prophetico spiritu futura multa praenuntiavit, atque in primis extremum vitae suae diem, quo adventante in Tudensem sese urbem recepit, ubi meritis & laboribus plenus sancto fine quievit. Ejus corpus honorifico sepulchro, unde mira fragrantia oleum emanasse traditur agris saluberrimum, ab Episcopo Tudensi in Cathedrali ecclesia conditum est, ubi asservatur, & colitur. Ejus miraculorum fama ad remotas usque Americae regiones pervagata, ingenti populorum veneratione invocari, & coli coepit, a Nautis cum primis, qui ejus opem in maris tempestatibus praesentissimam experti, eum sub appellatione sancti Telmi in Tutelarem sibi adsciverunt. Urbs etiam, & Diocesis Tudensis eum sibi Patronum principalem nuncupaverunt. Illius cultum continenter propagatum approbavit Benedictus Decimus Quartus, ejusque Festum cum Officio, &

Missâ primùm ab Univérso Ordine Prædicatôrum, necnon à Cle- ro Palentino, & Tudénsi, dein- de ab omnibus Hispaniârum Dico- césibus celebrari concessit.

✠. Iste homo perfecit omnia qua locutus est ei Deus, & dixit ad eum: Ingrédere in réquiem meam:

* Quia te vidi justum coram me ex omnibus gentibus, alleluia

✠. Iste est qui contempsit vitam mundi, & pervenit ad cœlestia regna. Quia te. **G**loria Patri. Quia te.

In tertio Nocturno.

Lectio sancti Evangelii secundum Mathæum.

Lectio vij.

Cap. 10.

IN illo tempore: Dixit Jesus discipulis suis: Euntes prædicâte, dicentes: Quia appropinquavit regnum cœlorum. Et reliqua.

Homilia S. Joannis Chrysostomi.

Homilia 33. in Mattheum.

Considera qualiter Dominus non minorem curam habet, ut mores eorum in melius reducat, quam ut signorum præbeat potestatem. Nam ut ostendat absque nobilitate morum, nihil signa valere; utque in nullum fastum animi, atque tumorem inciderent, gratis, inquit; accepistis: deinde ne cupiditate pecuniarum moverentur, intulit, gratis date. Nam ne quasi sua ipsorum potestate miracula facientes inde superbirent, gratis, dixit, accepistis: nihil largimini iis, qui vos recipiunt. Non enim tamquam mercèdem vestris laboribus debitam, ista accepistis, mea enim est gratia. Sic igitur aliis quoque hæc beneficia, quorum

nullum potest condignum præmium inveniri, gratis date.

✠. Iste est qui ante Deum magnas virtutes operatus est, & de omni corde suo laudavit Dominum: * Ipse intercedat pro peccatis omnium populorum, alleluia. ✠. Ecce homo sine querela, verus Dei cultor, abstinens se ab omni opere malo; & permanens in innocentia sua. Ipse.

Lectio viij.

Post hæc, cum radicem omnium malorum voluerit evellere, vitiorumque fundamentum diruere: non possideatis, inquit, aurum, nec argentum, nec pecuniam in zonis vestris, non peram in via, nec duas tunicas, nec calceamenta, nec virgam. Non dixit, non accipiatis vobiscum, sed non possideatis: ut si & aliunde recipere possent, recusarent tamen, ac perniciosam hanc aegritudinem fugerent. Quo deinde præcepto multa profecto complectitur commoda. Primùm, ut nulla de discipulis possit esse suspicio: deinde ab omni seculari cura sic ipsos liberos reddit, ut prædicationi solum vacare possint: demùm immensam suam potentiam ipsis patèfacit, quod & postea commemoravit, dicens: Numquid vobis tunc aliquid defuit, quando vos nudos absque calceis misi?

✠. Sint lumbi vestri præcincti, & lucernæ ardentes in manibus vestris, * Et vos similes hominibus expectantibus dominum suum quando revertatur à nuptiis, alleluia. ✠. Vigilate ergo, quia nescitis, qua hora dominus vester

venturus sit. Et vos. Gloria Patri.
Et vos.

LECTIO IX.

Illud etiam consideratione dignum est, quo non incipiens statim dixit non possideatis aurum, nec argentum, sed cum prius mundandi leprosos, eijciendi demonia potestatem eis dederit, tunc inculit, nihil possideatis, gratis accepistis, gratis date. Sic rebus ipsis docuit utilia se, & honesta, & facilia factu eis prae-

pere. Sed inquires, cetera quidem non absque ratione certa dicta esse: quid autem, ut peram non habeant in via, nec duas tunicas, nec virgam, nec calceamenta, quam de causa eis injunxit? Exactissime certe sublimioris vitae fundamenta voluit jacere: sic & in superioribus, nullam de crastina die curam ipsos habere docuit.

Te Deum laudamus.

HISPANIARUM.

Porrectis SS. D. N. Benedicto Papae XIV. precibus à R. P. D. Ildefonso Clemente de Arostegui, nomine Catholici Hispaniarum Regis, ut Officium proprium cum Missa sub ritu Duplici primae Classis cum Octava, in honorem beati Petri Gonzalez, vulgò San-Telmi nuncupati, pro Civitate & Diocesi Tudensi jam concessum, extendere dignaretur ad omnes Hispaniarum Dioceses, Sanctitas sua pro gratia extensionis Officii, & Missae, prout petitur sub ritu majori tantum, ad omnes praefatas Dioceses benignè annuit. Die 18. Septembris 1748.

D. F. Cardinalis Tamburinus, Praefectus.

Loco ✠ Sigilli.

T. Patriarcha Hierosolymitanus, Secretarius.